

Die Kartpartie

Bei uns dähamm seit eh und je
Do trifft sich omd's die Hotwollee
Im Wärtshaus zu a Kartpartie
Do genn sie alla sehr gern hie.
Der Bauer Schorsch, der Schneider Franz
Der Schmied, der Bürchämastershans
Der Lehrer und der geistlich' Herr
Die schätz'n an Tarock gor sehr.
Bever es Spiel beginna ko
Do stellt der Wirt a Schäla no
Do lecht denn jedä vo die drei
So wie sichs g'hört, a Märkla nei.
No, neulich omd's, s'is net long her,
Do is passiert a klaans Malär:
Vo sella Sach' erzehlt mei G's hicht'
Die wa ich Euch etzt gleich bericht't:
Der Bauer Schorsch und donn der Schmied
(Der geistlich' Herr kart't aa weng miet)
Die fanga an Tarock etzt o
Der Gastwirt stellt sei Schäla no
Die Kartä hom ihr Spiel im Sinn
Und gleich ling aa zwaa Märkla drin
Vom Bauer Schorsch und aa vom Schmied
Bloß der Herr Pfarra kummt net miet.
Hot er's denn gor vergess'n etzt?
Ne ja, es is scho bald der Letzt'!
So denkt der Schmied und tut an Schluck
Und aa en Schorschla gibt's an Ruck.
Der Schmied hutzt's Schorschla nei die Seit'n
Er soll na amol nausbegleit'n
Derthie, wu mehr noch a poor Meß
En Hef bewässert und die Stroß

Do ret'n die zwaa Zechkumpan'
Und kumma bald donn zu an Plan:
Direkt ke mer's na ja net song
Es geistling' Herrn. Es müsst halt frong
Der Schorsch en Schmied: "No, Herrs-chaftsseit'n
Hest du bezohlt? Ich will net Streit'n
Obä ich glaab' , dei Mark fehlt nuch!"
Der Pfarra werd' do draus scho kluch!
Die zwaa gehn wiedä nei die Stumm
Und dux'n öscht a wengla rum
Dann tun sie so wie ausgemacht.
Der geistlich' Herr hot erst gelacht
Dann obä werd's na doch zä dumm
Er schaut erst in dä Wertsstu'm rum
Und secht: "Müsst Ihr denn immä Streit'n?
Des ke ich vo mei Seel net leid'n!
Des Streit'n stimmt mich immä bittä.
Do nimm ich halt mei Märkla widdä.
Ich will net Streit'n, ich will Kart'n!
Ich ke net auf euch zwaa do wart'n.
Bis Ihr zwaa Gümpl einich seid.
Mir es gänuch. Mir langt's für heit!"

